

**MOLAO OA MOTHEO**

**OA**

**MOKHA OA SECHABA**

**SA**

**BASOTHO (BNP)**

**O NTŠITSOE KA LA 1 PHEREKHONG, 2007**

## SELELEKELA KA MOETAPELE OA MOKHA

Molao oa Motheo oa Mokha o qeteletse ho nchafatsoa ka selemo sa 1980, ka taelo le tataiso ea mothehi le Moetapele oa Mokha, morena Leabua Jonathane, ho latela matla ao a neng a a filoe ke Seboka se khethehileng ka 1972.

Ka 'Mesa selemong sa 2004, Seboka se Akaretsang sa Mokha se neng se tlil'o shebana le lihloathiso Molaong oa Motheo, se ile sa fa Komiti ea Phethahatso matla a ho kenya tšebetsong Molao o mocha o hlomathisitsoeng, ha e qetile tsohle tse lokelang ho etsoa ho oona.

Kajeno Komiti ea Phethahatso e kenya tšebetsong Molao oa Motheo o fetotsoeng lintlheng tsa bohlokoa, ho kenyeletsa le tse ling tse neng li le sieo Molaong oa pele.

Molao ona ke tholoana ea boithuto ba nako e telele bo entsoeng tšebetsong ea Mokha, ho ntse ho ikamahantsoe hape le liphetoho tse kahara naha le tse litabeng tsa Machaba moo li re amang re le Mokha.

Leha ho le joalo, Molao ona o ntse o sa fetole letho malebana le boleng ba rona re le Mokha o lumelang ho Morena Molimo, e bile re le Mokha o aheletsoeng holima Basotho ba rona.

E se e ka re ka sebetsang ka thata ho atlehisa Molao ona e le motheo oa bonngoe le boitlhompho ka har'a Mokha, molemong oa hore re qobe tsohle tse ka hlokisang Mokha botsitso le tšebetso e makhethe ha re ntse re sebeletsa Pušo ea 'nete ea Sechaba ka Sechaba.

  
**Justin Metsing Lekhanya**

**Moetapele oa Mokha/oa Sechaba sa Basotho (BNP)**

